

Dices, Aaron et filii ejus incœperunt ministrare primo die mensis primi, anni secundi: ergo illo die erant modo consecrati.

Prob. ant. Quia, ut dicitur Num. VII, 11, principes duodecim tribuum obtulerunt dietim sua munera et sacrificia a primo die, quo erectum est tabernaculum. Quando autem isti principes incœperunt offerre, debuit Aaron modo esse consecratus, ut ipsorum sacrificia immolare: atqui tamen Aaron non potuit sacrificare ante octavum diem consecrationis sue: quia illa erat prima dies post peractam consecrationem; ergo apparet, quod Aaron ad minus ante erectionem tabernaculi fuerit consecratus; et per consequens quod illa octava dies, qua obtulit primitias, fuerit prima dies mensis primi, anni secundi.

R. Neg. suppositum, quod Aaron septem prioribus diebus obtulerit sacrificia principum: hoc enim non erat necessarium, nam Moyses septem prioribus diebus illa sacrificia offerebat, sicuti obtulit sacrificia in consecratione sacerdotum: nam et ipse suscepiebat iura sacerdotalia; ut constat ex cap. VIII, 29, et Exod. XXIX, 26. Deinde id etiam satis insinuat cap. VII Num.; quia ibi dicitur quod Moyses suscepit boves et plaustra, quæ principes obtulerunt: hæc autem Moyses non fecisset, si Aaron fuisse modo consecratus; nam non legitur amplius sacrificasse post consecrationem Aaronis.

Inst. Non videtur Moyses solus potuisse omnia illa sacrificia offerre uno die, et præserit die primo: nam illo die debebat erigere tabernaculum, illud sanctificare, deinde consecrare Aaronem et filios ejus, offerre sacrificia in sanctificationem tabernaculi et sacerdotum præscripta: et post hæc facere sacrificium primi principis, quod continebat (præter acetabulum argenteum pondo 150 siclorum, phialam argenteam habentem 70 siclos juxta pondus sanctuariorum, utrumque plenum simila conspersa oleo in sacrificium, mortariolum ex 10 siclis aureis plenum incenso), bovem, arietem, et agnum anniculum in holocaustum, et hircum pro peccato: deinde in hostiam pacificam alios boves duos, arietes quinque, hircos quinque, agnos anniculos quinque. Hac autem omnia non videtur unus idemque Moyses uno die potuisse peragere.

R. erectionem tabernaculi brevi temporis spatio per Moysen a fabris adjutum potuisse fieri; nam omnia erant antea ex integro coaptata et concinnata: consecratio etiam sacerdotum et tabernaculi non tres horas requirebat, ut patet legenti cap. præcedens. In sacrificiis vero principum, potuit adiuvari ab Aarone et filiis ejus, quamvis nondum tanquam a sacerdotibus, quemadmodum, ob sacerdotum paucitatem, leguntur levitæ inferiores, lib. II Paralip. cap. XIX, 34, ipsos adjuvisse circa officia sacerdotalia.

Vocavit Moyses Aaron et filios ejus, nempe cum adhuc essent intra tabernaculum, vel cum jam peractis diebus consecrationis foras egressi essent. Vocavit autem ipsos, ut prima sua sacrificia Deo offerrent. Convocavit etiam majores natu Israel, tum ad majorem celebratatem et honorandam pontificis sui primi-

tias, tum ut per illum victimas suas Deo sacrificarent.

¶ 2. *Tolle de armento vitulum pro peccato.* Quamvis præced. cap., ¶ 44, Moyses obtulisset hostiam pro peccato Aaronis; tamen decebat ut recens creatus pontifex omnis generis hostias offerret, et hoc ritu fateretur se peccatorem. Hac enim de causa Aaron ipse jam sanctificatus, et sacerdotio fungens offerre pro se jussus est vitulum pro peccato et arietem in holocaustum; S. P. Aug. Q. 26 in Levit.

P. quomodo hic ¶ 25, Aaron pro peccato populi mactaverit hircum, quandoquidem cap. IV, 14, pro peccato populi præscriptus sit vitulus, et hircus pro peccato principis.

R. hic hircum fuisse immolatum tantum consequenter pro populo, primario autem pro principibus, seu majoribus natu populi: illi enim vocantur hic ¶ 1 ad sacrificium. Unde S. P. Q. statim cit. ait: *Oportebat ergo ut senatus loqueretur, quid universus populus offerre debebat, ut hircus jubeatur propter principes.*

Itaque expiatio principum prodest populo, sicuti e contrario principum regumque peccata, ut in Davide manifestum est, subinde populi strage puniuntur.

Alli dicunt, cap. IV, tradi ritum expiandi certum et determinatum peccatum populi; hic autem tantum indeterminate pro peccato populi in communi fieri sacrificium.

QUESTIO II. — CUR IGNEM COELESTEM DEUS MISERIT, QUI DEVORARET VICTIMAS AARONIS, ET QUAMDIU HIC SACER IGNIS SERVATUS FUERIT.

Vers. 25: *Ingressi autem Moyses et Aaron in tabernaculum testimonii. Nempe ut Aaron thymiam super altare incensum offerret Deo, ante cremationem holocausti matutini. Aaron autem junctus ibat socius Moyses, ut eum doceret modum hujus thymiamatis plenum simila conspersa oleo in sacrificium, mortariolum ex 10 siclis aureis plenum incenso, bovem, arietem, et agnum anniculum in holocaustum, et hircum pro peccato: deinde in hostiam pacificam alios boves duos, arietes quinque, hircos quinque, agnos anniculos quinque.*

Hac autem omnia non videtur unus idemque Moyses uno die potuisse peragere.

R. erectionem tabernaculi brevi temporis spatio per Moysen a fabris adjutum potuisse fieri; nam omnia erant antea ex integro coaptata et concinnata: consecratio etiam sacerdotum et tabernaculi non tres horas requirebat, ut patet legenti cap. præcedens. In sacrificiis vero principum, potuit adiuvari ab Aarone et filiis ejus, quamvis nondum tanquam a sacerdotibus, quemadmodum, ob sacerdotum paucitatem, leguntur levitæ inferiores, lib. II Paralip. cap. XIX, 34, ipsos adjuvisse circa officia sacerdotalia.

Apparuit gloria Domini omni multititudini. Scilicet celestis ignis emissione, qua Deus gloriam seu præstantiam suam, potentiam et favorem singularem, tum erga populum, tum maxime erga novos sacerdotes ostendebat. Quare

R. et dico 1. Hunc ignem celestem in victimas Aaronis misit Deus, ad testandum toti populo, sacerdotum V. L. et istum sacrum ritum a se institutum et approbatum; et simul etiam ad populo reverentiam ingerendam erga sacerdotes et sacrificia. Sic ignis de celo descendens probavit sacrificium et religionem Eliæ certantis contra sacerdotes Baal, III Reg. XVII: idem ignis probavit sacrificia Salomonis in dedicatione templi, II Paralip., VII, 1.

An autem ignis ille hic eruperit ex tabernaculo, an ex nube, an vero de celo descendenter, Scriptura hoc loco non expressit: tantum dicitur ¶ 24: *Et ecce egressus ignis a Domino, devoravit holocaustum, etc.*

Ubi quid dixerit a domino, queri potest, utrum quia nutu et voluntate Domini factum est, an ab eo loco ignis exiit ubi erat arca testimonii, inquit S. P. Aug. Q. 50 in Levit. Menochius, A. Lapide aliquie ignem illum descendisse arbitrantur de celo, et hæc opinio videatur probabilior.

1. Quia fundata est in lib. II Machab., cap. II, 10, ubi dicitur: *Moyses orabat ad Dominum, et descendit ignis de celo, et consumpsit holocaustum.*

2. Licet fuisse verum miraculum, si ignis ille ex adytis tabernaculi erupisset, tamen hoc miraculum non fuisse adeo evidens, et a toto populo ita spectabile, si non descendisset de celo.

3. Quia quotiescumque est factum tale miraculum, Scriptura dicit ignem descendisse de celo, ut ad sacrificium Davidis, I Paralip. XXI, 26, item ad sacrificium Salomonis et Eliæ.

Dico 2. Hic ignis sacer maxima sacerdotum cura fovebatur juxta legem supra cap. VI, 12: et quidem cum proficerentur per desertum, in vase ad id deputato, cum vero subsisterent, in altari holocausti asservabantur, perpetuoque fomento nutriebatur.

Servatus est autem hic ignis in templo usque ad eversionem ejusdem templi, et captivitatem babyloniam. At nec tunc quidem neglecta fuit ejus cura, nam a sacerdotibus ignis ille absconditus est, sed soluta postea captivate, dum ignem sacrum requirunt, loco ignis aquam crassam reperiunt, quæ mox tempore sacrificii in ignem miraculose conversa fuit; ut dicitur II Machab. I: *quo igne deinceps usi sunt in secundo templo.*

CAPUT X.

Nadab et Abiu, filii Aaron, igne profano thurificantes, igne caelesti occiduntur; quos a patre et fratribus plangi prohibet Deus: deinde vetat vini et siceræ usum sacerdotibus, quando ingressuri sunt tabernaculum; reliquiasque carnium sacrificatarum comedи jubet.

QUESTIO I. — QUALE FUERIT INCENSUM, QUOD NADAB ET ABIU DEO OBTULERINT, ET UNDE ACCIDERIT, QUOD ILLUD OBTULERINT EX IGNE ALIENO.

Versu. 1: *Arreptisque Nadab et Abiu, filii Aaron, thuribus, posuerunt ignem et incensum desuper, offerentes coram Domino ignem alienum.* Jansenius, A. Lapide et alii recentiores interpres communiter putant eos arripuisse thuribula ad offerendum thymiamma quotidianum in tabernaculo: incensum enim non videtur fuisse positum nisi in ipso altari thymiamatis, inquit illi. Attamen cum ex lib. I Paralip., cap. VI, 49, constet, quod incensum non tantum offerretur super altare thymiamatis, sed etiam super altare holocausti; hinc

R. et dico 1. Etiam dato seu transmisso, quod per incensum hic intelligatur thymiamma, tamen illud non obtulerunt supra altare thymiamatis, sed super altare holocausti.

Prob. I. Quia jam dictum incensum ambo simul

offerebant: atqui non duo, sed unus tantum communiter offerebat incensum super altare thymiamatis; ergo, etc.

Prob. II. Super altare thymiamatis incensum adolebatur mane duntaxat et vesperi, ut liquet ex Exod., XXX, 7 et 8: atqui tunc non videtur fuisse mane aut vespera, sed adhuc plenus dies; nam populus tantum erat dimissus a solemnitate, et mox ¶ 12 jubentur novi sacerdotes comedere carnem sacrificii, etc.

Deinde jubet Moyses auferri cadavera, et abit, ac aliquo tempore post revertitur, et ¶ 16, querit hircum, et invenit exustum, Aaronem objurgat eo quod non comedisset de hostia pro peccato, etc. Jam autem hæc omnia non videntur potuisse contingere vesperi post horam incensi; ergo, etc.

Dices cum A. Lapide, Abulensi et aliis: ¶ 2: *Egressus est ignis a Domino, id est ab altari thymiamatis, quod erat obversum propitiatorio (quod erat quasi thronus Dei) qui devoravit Nadab et Abiu.* Ergo ipsi cum thuribus ingressi erant tabernaculum, et in altari thymiamatis obtulerant ignem alienum; unde ex eodem altari violenter in eos ignis irruit.

R. Neg. ant. 1. Quia ibi diu jacissent, antequam aliquis scivisset, nec punitio fuisse publica; nam Moyses et Aaron, et huic duo alii filii verisimilius intra in tabernaculo non erant, sed in atrio, populus vero extra; ut videtur colligi ex ¶ 23 et 24, cap. præced. 2. quia hic ¶ 4 dicuntur jacere in conspectu sanctuariorum; nam Moyses vocans duos levitas, ut auferant eorum cadavera, ait ad eos: *Ite, et tollite fratres vestros e conspectu sanctuariorum.* Ergo non jacebant in ipso sanctuario, ac consequenter nec in eo mortui sunt.

Nec dicas, eos antea inde elatos fuisse usque ad atrium: nam cum Scriptura desuper ne vel implicatam mentionem faciat, videtur id omnino gratis fingi.

Dicendum itaque, vel ignem illum ex altari holocausti, vel aliunde in eos a Deo immissum fuisse. Nec refert, quod dicatur *egressus a Domino;* siquidem et a Domino non necessario significat ab altari thymiamatis, aut e loco ubi erat arca: nam et ignis, qui devoravit victimas, dicitur *egressus a Domino,* et tamen hic non ab altari thymiamatis aut e sanctuario, sed de celo descendit; ut monstratum est cap. præced., q. II.

Inst. Contra rationem primam: Aaron cum filiis suis, et Moyses erant tunc in tabernaculo; nam mox hic ¶ 7 dicit ipsis Moyses: *Vos non egrediemini forez tabernaculi.* Ergo tunc non erant in atrio, ut nos prætendimus.

R. Neg. ant. Quia per tabernaculum cit. ¶ 1. intelligi debet tota structura cum atrio: nam ¶ 12 ipsis præcipitur ut sacrificium, quod remanserat, comedant juxta altare, scilicet holocausti; atqui hoc altare non erat in tabernaculo, sed in atrio; ergo. Unde etiam et ipse A. Lapide, tametsi putet Nadab et Abiu fuisse occisos prope altare thymiamatis, tamen per tabernaculum, de quo hic ¶ 7, intelligit

atrium; eo quod, ut pro ratione addit, in atrio manerent sacerdotes, non autem in tabernaculo sive sancto.

Dico 2. Nequidem certum est, quod per incensum a Nadab et Abiu oblatum, intelligatur thymiana stricte dictum, seu tale quale in altari thymiamatis offerri debebat.

Prob. Quia vox *incensum* est generica, et non tantum significat thymiana, sed etiam quedam alia sacrificia; ut patet 1. ex Num. VII, ubi quilibet princeps dicitur obtulisse mortariolum aureum, plenum incenso. Atqui tamen hoc incensum non videtur fuisse thymiana; sed thus vel aroma; ergo, etc.

Patet 2. Quia oblatio similae conspersae oleo cum thure vocatur etiam *incensum*, supra cap. VI, 17: ac proinde argumentum eorum, qui contendunt praefatos filios Aaron obtulisse thymiana, non videtur concludere; quandoquidem procedat a genere ad speciem.

Nihil igitur vetat, quominus sustineri possit, ipsos obtulisse incensum tale, quale obtulerunt principes Num. VII, vel etiam similam conspersam oleo cum thure: quia et haec videtur debuisse cremari in thuribulo, posito super altare holocausti; nam si immediate super altare cremata fuisset, facile cecidisset per cancellos eraticulae.

Nec obest, quod in textu graeco loco *incensi* ponatur θυμάτα, *thymamata*; quia illa vox *thymiana* non necessario significat thymiana stricte dictum, nam et significare potest incensum in genere, ita ut idem denotet ac suffimentum: unde thuribulum Graeci vocant θυμιτήριον, *thymaterion*. Hinc etiam incensum, quod principes obtulerunt Num. VII, 7, graece vocantur *thymiana*; nam ubi in textu nostro dicitur: *plenum incenso*, in graeco habetur: πλήρη θυμάτως, *plere thymatomatos*.

Si autem aliquis absolute velit prætendere, quod incensum a principibus oblatum fuerit thymiana proprie dictum, is equidem fateri debet quod illud non super altare thymiamatis, sed super altare holocausti oblatum fuerit; siquidem omnia munera et sacrificia, a principibus oblati, immolata sunt in dedicationem altaris holocausti; uti ex toto cap. VII Num. manifestum est. Ac proinde equidem certum videtur, quod vox graeca θυμάτα, *thymiana*, non necessario significet istud determinate incensum, quod mane et vesperi adolebatur super altare thymiamatis, sed etiam illud quod adolebatur super altare holocausti. Et sic ex ȝ. 2 hujus cap. nunquam probari poterit, quod Nadab et Abiu incensum adoleverint super altare thymiamatis, sed e contrario dicendum erit, quod illud adoleverint super altare holocausti, aut, si mavis, in solis thuribulis suis.

Dico 3. Dicuntur autem Nadab et Abiu obtulisse ignem alienum, id est, non sacrum: *Quod ideo non licebat*, inquit S. P. Aug. Q. 31 in Levit, quia ex illo igne, qui divinitus ad altare venerat, deinceps custodito, omnia erant accendenda quæ in tabernaculo accendi oportebat.

Cur vero ignem profanum obtulerint, Scriptura non exprimit. Hebrai, et ex christianis S. Petrus Chrysol., putant id accidisse, eo quod temulentes essent, quam ut ad singula, munus sacerdotale concernentia, accurate solliciteque possent attendere.

Huic opinioni favet, quod Deus post necem Nadab et Abiu, ȝ. 8 et 9, Aaroni et sacerdotibus, ingressuris tabernaculum, vinum et omne quod inebriare potest prohibuerit: haec enim cautio et lex suspicionem movet, eos fuisse tumultuos, non tamen omnino ebrios.

Alli docent id accidisse per simplicem oblivionem, inadvertentiam et inexperientiam. Unde etiam videmus novellos sacerdotes inexpertos in suis primis subinde errores committere.

Denique aliqui dicunt, eos non fuisse ausos prunas capere ex igne sacro, eo quod vidissent eum divinus primo missum, et proinde aliunde festinanter rapto igne incensum obtulisse: hoc enim videtur insinuare ἡ arreptisque, quod hanc historiam cum historia ignis divini, de quo cap. præced., connectit.

Unde hi Aaronis filii non caruerunt quidem inobedientiae reatu; crimen vero damnable magis significarunt, quam admiserunt. Ac proinde etiam credibile est, Deum eos morte presenti punivisse, ut aeternam evaderent, et peccatum vel non fuisse mortale, vel contritione expiatum, antequam animam exhalarerent. Unde et Moyses jussit eos in vestibus sacris tumulari, et Deus mandavit toti populo ut plangeret eos.

Quod autem additur ȝ. 4: *Quod eis præceptum non erat*, sensus est: *Quod eis prohibitum erat*. Scriptura enim hic utitur lytote, seu figura extenuationis: nam non peccassent, nec morte puniti fuissent, si Deus nihil de igne sacro adhibendo præcepisset. Est autem verisimile, illum adhiberi fuisse præceptum, quando divinitus missus est, idemque servari jussus in futuras generationes.

Collige quod falluntur haeretici, qui ex prefatis Scripturæ verbis confidere volunt, nihil adhibendum cultui divino, nisi sit præceptum.

QUÆSTIO II. — QUÆDAM ALIA AD HOC CAP. SPECTANTIA RESOLVUNTUR.

Petes 1. quis sit sensus verborum ȝ. 5: *Sanctificabor in iis, qui appropinquant mihi.*

R. sensum esse hunc: In sacerdotibus, qui proprius ad me accedunt, ostendam me esse sanctum; et me ab illis sancte et religiose colendum esse declarabo, puniendo profanos. Unde in pœna (Nadab et Abiu) *sanctificatus est Dominus*, id est, commendatus est timor ejus, inquit S. P. Aug. Q. 52 in Levit.

P. 2. quid insinuat per illa verba ȝ. 6: *Capita vestra nolite nudare, nempe cidaris: sic enim expli-* cant LXX et S. P. Q. cit. 2.

R. Prohibetur Ithamar et Eleazar plangere mortem fratrum suorum, Nadab scilicet et Abiu. *Sicut enim in nostra consuetudine*, inquit S. P. ibidem, *quia caput apertum magis habetur, operitur in luctu:*

sic quia illi experimento capit (id est eidem) ornabantur, nudandum erat lugentibus. Quod ideo prohibet, ne lugerent eos, in quorum pœna sanctificatus est Dominus.

Populo autem luctum non tantum permittit, sed et præcipit Deus; sacerdotibus prohibet, quasi ad altiora translati, quam ut ad ista humana delabi debeant. Dedecebat namque in eorum recenti consecratione, ut, v. g., pontifex caput suum sacro unguento recente perfusum, pulvere aspergeret, aut sacerdotes vestes novas scinderent: quia enim pauci tunc erant sacerdotes, si eos simili ceremonia funebri contumani contigisset, nulli alii fuissent, qui sacrificia peragere aut victimas sacras absumere potuissent.

P. 3. cur ȝ. 9 sacerdotibus, dum sacræ operaturi sunt, sub pœna mortis prohibeatur bibere vinum et omne quod inebriare potest.

R. id prohiberi, 1. ne forte fiant temulent, utque effugiant pigritudinem, oblivionem, somnolentiam, etc., quæ sunt proles ac partus vini et sincere; 2. id prohibetur, ut scilicet rite omnibus officiis divinis fungi possint, sive in discernendis rebus sacris, sive in erudiendo populo, ut dicitur ȝ. 10.

Difficultas autem hic moveri solet contra sententiam S. P. Aug. Si enim summus sacerdos debuerit quotidie intrare sanctum sanctorum ad incendendum thymiana, sequitur quod nunquam potuerit bibere vinum, aut alium quemcumque potum præter puram aquam. Quod si verum est, cur ergo ita sibi objicit S. P. Q. 33 in Levit.: *Non ita præcepit (Deus) potius ut breviter diceret: VINUM NON BIBETIS, sed addidit, CUM INTRABITIS TABERNACULUM*, aut cum accederis ad altare? Hanc difficultatem S. P. non absolute resolvit, sed dupli modo ad eam respondet.

Dicit itaque, 1. ideo additum esse: *CUM INTRABITIS TABERNACULUM*, quia Deus præscius erat futuros postea tam multos etiam summos sacerdotes, id est, non per successionem, qui tabernaculo et sacrificiis, et incenso, et universo illi ministerio vicibus deservirent.

Respondet 2. dubium esse, utrum hoc præceptum, non bibendi potum inebriativum, datum fuerit pro semel, an pro semper; nam ambiguum est, inquit, utrum verba sequentia: *Præceptum sempiternum est in generationes vestras*, debeat connecti cum præcedentibus: *Vinum et omne quod inebriare potest, non bibetis*, an vero cum sequentibus: *Ut habeatis scientiam discernendi inter sacram et profanum*; adeoque fuerit ipsis præcepta pro semper, non abstinentia a vino, sed scientia discernendi inter sacram et profanum.

Hæc posterior responsio vix aut difficulter adhiberi posset; tum quia textus habet particulam causalem ut, quæ causam denotat, cur debeant abstinere a vino, ut scilicet habeant scientiam discernendi inter sacram et profanum. Tum quia præceptum illud pro semel, nullius momenti fuisset; nam in deserto non erat tanta copia vini, ut sacerdotes eo se facile inebriare possent; siquidem illi, qui in deserto tam acriter murmuraverunt ad acquirendam aquam, non vi-

dentur habuisse multum vini ad se inebriandum. Tum denique, quia idem præceptum etiam sacerdotes in terra promissionis strinxisse, liquet ex Ezechiel, cap. XLIV, 21, ubi dicitur: *Vinum non bibet omnis sacerdos, quando ingressurus est atrium interius.*

Itaque, conformiter ad ea que dicta sunt cap. XXX Exod., Q. 2, in resp. ad Obj. IV, prima responsio adhibenda est, et dicendum præceptum illud quemadmodum et multa alia non servata fuisse, nec servari potuisse quando primum data sunt in deserto, sed postea suo tempore, finita peregrinatione deserti, et multiplicatis summis sacerdotibus (sub Davide, I Paralip. XXIV): *Quando utique illi non bibebant quorum locus erat deserviendi, altii autem bibebant*, inquit S. P. Q. citata.

CAPUT XI.

Decernit Deus legem de animalibus mundis, quibus vescilicet; et immundis, quæ comedunt velat. Ac 1. ad quadrupedum munditiem requirit divisam ungulam et ruminacionem; 2. ad munditiam piscium requirit pinnulas et squamas; 3. designat viginti species piscium immundorum, locustas vero mundas declarat; denique reptilia omnia immunda decernit.

QUÆDAM RESOLVUNTUR. — Petes 1. quare animalium mundorum ab immundis discretionem sanxerit Deus.

R. Prima, eaque præcipua causa est morum informatio: animalia enim, quorum esus hic vetatur, vitiorum signa sunt; quia significant mores, vel homines immundos. Unde S. P. Aug. lib. VI cont. Faust., cap. 7 dicit: *Animalia quædam non natura, sed significatione immunda...*; si enim de porco et agno requiratur, utrumque natura mundum est, quia omnis creatura Dei bona est: quadam vero significatione agnus mundus, porcus immundus est. Excitabantur ergo per haec præcepta Judæi ad inquirendas causas eorum, adeoque quasi manu ducebantur in cognitionem vitiorum hic præcipue prohibitorum; et per ista immunda, tanquam per symbola, tropologice representatorum; uti ex patribus prolixe docent S. Clem. Alexand. lib. II Pædagog. cap. 10, S. Cyrillus lib. XIV de Ador., item Origenes Hom. 7 in Levit.

Secunda causa, quæ ex prima profluit, est propria N. Testamenti; ut docet S. P. Aug. lib. cont. Adim., cap. 15. Cum enim Adimantus, utpote Manichæus, oppugnaret V. Testamentum, et hanc abstinentiæ legem argueret ex illo Matth. XV, quod intrat in os, non coquinat hominem, respondet S. P. *De eo quod in Levitico scriptum est: Separate a mundo immundum, et nemo manducet carnem camelii, asini et leporis, et porci et aquilæ... et reliquorum... ad significationem posita sunt humanorum morum, quos Ecclesia quæ est Domini, in sue unitatis vinculum stabile et sempiternum recipere non potest, tanquam immundas esse responsum, et in sua viscera non convertens: ut omnia illa præcepta carnali populo imposita, futuram disciplinam spiritualis populi prophetarent.*

Alii adhuc alias causas afferunt, videlicet ut Deus contineret populum in perpetuo exercitio obedientiæ,

ut eos temperantiam doceret, etc., sed duas causas jam allegatae sunt primariae, seu principales.

P. 2. cur ex quadrupedibus, censeantur immunda quae non ruminant, vel non dividunt ungulam.

R. Abulensis cum quibusdam aliis conatur rationem naturalem hujus aliarumque prohibitionum deponere ex ipsa temperie animalium. Itaque juxta ipsum prohibentur ea, quae non dividunt ungulam, quia nimis dura et secca sunt: quae non ruminant, quia sunt digestionis non ita bona: quae vero ungulam habent, eamque dividunt et ruminant, homini alendo concurrunt, quia temperatae sunt complexionis, et ideo illa permituntur ad esum.

Sed recte observavit Jansenius, in plerisque hoc verum esse, non in omnibus. Sic, v. g., merito vetita sunt reptilia, quia natura venenosa sunt; sic immundae ciconiae, quae serpentes comedunt; sic vespertilioes, etc., quae immundis vescuntur alimentis. Sed quod, v. g., pisces hic vetiti, omnes mali sint nutrienti, gratis videtur asserere A Lapide: imo pisces qui carent pinnis et squamis, bonitate aliis præcellere, asserit Clem. Alexand. lib. II Strom., cap. 9.

Ratio ergo symbolica in hujusmodi prohibitionibus præcipue spectanda est. Hinc tropologicam in his legibus rationem primario semper spectat S. P. Aug.; unde lib. VI cont. Faust., cap. 7, ita scribit: « Immundum illud animal in lege positum est eo quod non ruminet: non autem hoc ejus vitium, sed natura est. Sunt autem homines qui per hoc animal significantur, immundi proprio vitio, non natura, qui cum libenter audiunt verba sapientiae, postea omnino de his non cogitant: quod enim utile audieris, vel ab intestino memoriae, tanquam ad nos cogitationis, recordandi dulcedine revocare, quid est aliud, quam spiritualiter quadammodo ruminare? »

P. 3. quomodo intelligatur id quod dicitur y. 34: *Omnis cibus, quem comeditis, si fusa fuerit super eum aqua, immundus erit.*

R. cum S. P. Aug. Q. 37 in Levit.: *Non quæcumque aqua intelligenda est, quæ supervenerit cibo, quæ facit eum immundum: sed ex illo vase quod factum est immundum de morticinis immundis, si forte ipsum vas habuit aquam. Non agi ergo de quacumque aqua, sed de illa quæ immunda est, aut fluit e vase immundo, inde patet, quod sine aqua cibus lixari non possit; quod tamen moris erat etiam in sacrificiis; ut constat ex I Reg. II.*

CAPUT XII.

Decernitur purificatio et oblatio facienda puerperæ; nempe agnus in holocaustum, et columbe pullus vel turtur pro peccato: si non possit offerre agnum, statuitur ut sumat duos turturem, vel duos pullos columbarum.

QUÆSTIO I. — AN LEX PURIFICATIONIS ETIAM COMPREHENDERIT D. VIRGINEM.

Resp. Communis SS. PP. et interpretum (uno excepto Abulensi) est sententia, quod D. Virgo pariens Christum Dominum, hac lege non fuerit comprehensa.

Ratio est, quod ipsa non ex concepto virili semine, sed de Spiritu S. conceperit, qui Christi corpus, ut cum S. Joan. Damasc. docent theologi, ex purissimo, sanguine Virginis Matris efformavit. Unde

Prob. I ex sacro textu; dicitur enim y. 2: *Mulier, si suscepto semine pepererit masculum, immunda erit;* id est, si conceperit ordinario modo. Unde, ut testatur Menochius, LXX legunt: *Si fuerit semine in concubitu perfusa. Atqui D. Virgo non peperit suscepto semine; ergo, etc.*

Cum interprete latino consentiunt Hebrei, quem admodum et Lyranus, ac Vatablus, qui omnes vertunt: *Si suscepto semine (scilicet prolifico) peperit.* Ergo D. Virgo, quae sine suscepto semine peperit, hac lege comprehensa non fuit, neque immunditatem legalem contraxit.

Prob. II. Quia ita docent Origenes Hom. 8 in Levit. S. Basilius in cap. VII Isaiae, Chrysost. Hom. de Occursu Dom., Cyrillus lib. II de Fide ad Reginas, Bernardus Serm. de Purificat., aliqui PP. communiter. Item D. Thom. 3 p. q. 37, art. 4.

Quia in re grave est testimonium S. Cyrilli loco cit. ubi dicit: *Clare patet in quantam impietatem prolabantur Ariani, qui Deiparam Mariam iis sacrificiis, quæ pro puerperis ex lege offerri mos erat, opus habuisse asserunt.* S. autem Bernardus loco cit. existimat quod Moyses pene fuisse blasphemus, si non addidisset: *Si suscepto semine.* Verba ipsius sunt: *Sed quis non advertat in ipso sententiæ hujus initio liberam matrem Domini ab hoc præcepto? Putas enim quia dicturus Moyses mulierem quæ peperisset filium, immundam esse, non timuerit super matrem Domini blasphemiae crimen incurgere, et idcirco præmerit suscepito semine?* Alioquin nisi paritum prævidisset sine semine Virginem quæ cæcitas erat de suscepto semine facere mentionem?

Obj. I. cum Abulensi: Lex purificationis statuitur puerperis, non tam propter seminis susceptionem, quam propter naturalem sanguinis et sordium purgationem, quæ puerperis naturaliter accedit (propter hanc enim, ut patet ex y. 4, immundæ censebantur) atqui haec etiam locum habuisse videntur in D. Virgine; ergo etiam videtur hac lege fuisse comprehensa.

R. min. esse falsam, et contra communem SS. patrum sententiam, qui asserunt partum B. Virginis fuisse purissimum, et omnis sordis expertem. Ita diserte S. Cyprianus, qui serm. de Nativ. scribit, non fuisse opus obstetricice, sed Christum ex sua matre natum, tanquam fructum ex arbore et radium ex sole. Similiter ex Sophronio in VI Synodo Act. II dicitur: *Partus Virginis fuit incorruptibilis, quia sine fluxu sanguinis, aut simili passione perfectus est.* Alii etiam patres, quos magno numero citat Lorinus in hunc locum, dicunt unanimiter, quod sicut conceptus sine concubitu fuit, ita et partus sine dolore, alii que incommodis, quæ partum comitari solent: de quibus dum de B. Virgine agitur, melius est venerandum silentium, quam luxuriosa disquisitio, inquit Marius. Hinc S. P. Aug. (vel quisquis est auctor) lib.

de quinque Hæresibus, cap. 5, sic ait: *Stulte, unde sorores in Virgine matre, ubi non est concubitus cum homine patre? Unde sorores in ea, quæ nec concipiendo libidinem, nec pariendo est perpessa labore?*

Obj. II. Saltem primarium fundamentum ex sacro textu desumptum non subsistit; nam in Scriptura semen non semper sumitur pro ipso semine quod est principium prolixi, sed saepe sumitur pro ipsa prole. Sic Gen. XV, 3, Abram dicit ad Deum: *Mihi autem non dedisti semen.* Et in celebri illa promissione ad Abram facta Gen. XII, et repetita ibidem, cap. XVIII et XXII: *In semine tuo (quod est Christus Dominus, ut ait Apost. ad Galat III) benedicentur omnes gentes.* Atque ita hic y. 2, *suscipere semen intelligi potest, ut sit idem quod habere prolem, et tunc sensus erit: Mulier si acceperit, vel potius, si genuerit prolem, eamque masculam, immunda erit.* Et secundum hanc opinionem dicit Jansenius Gandensis in sua *Concordia Evangelica*, cap. 10: *Quod attinet ad verba hujus legis, non fuit ab hac lege Virgo immunis, quod et Lucas ipse satis significare videtur, dum dicit impletos dies purgationis Mariae secundum legem Moysis: si enim Moyses illis verbis eam a sua lege exceptit, quomodo secundum legem dies purgationis impleti sunt? Aliis tamen rationibus ab eadem fuisse immunem, facile probari potest, inquit auctor ille. Hanc expositionem pariter afferunt Oleaster, Cajetanus et alii recentiores hebraizantes.*

R. semen hoc loco Scripturae pro ipsa prole accipi non posse; alioquin enim bis idem diceretur, essetque tautologia dicendo: *Si genuerit et pepererit, vel: Mulier si suscepta prole prole genuerit.* Deinde semen non potest accipi pro prole, nisi quatenus problem facit, ponendo per synecdochen causam pro effectu: proles autem D. Virginis non ex semine virili, sed ex virtute Spiritus S. orta est. Unde etiamsi semen pro prole poneretur, sensus eisdem esset: *Mulier, si suscepta prole ex semine, etc.*; et sic liquet, quod adhuc non comprehendenderetur D. Virgo.

Ad id autem quod ex S. Luca allatum est, respondeo dies purgationis Mariae dici impletos secundum legem Moysis, non quia a parte rei isti legi obstricta erat, sed quia illam observare et adimplere voluit. Dicuntur ergo dies purgationis Mariae impleti eo sensu, quod antea idem evangelista dixerat impletos octo dies ut circumcidetur puer. Et ideo sicut Christus, licet non esset legi obnoxius, voluit tamen circumcisitionem et alia legis onera subire, ad demonstrandum humilitatis et obedientiae exemplum, et ut approbaret legem, et ut calumnias occasionem Judæis tolleret, propter eandem rationem voluit et matrem suam implere legis observantias, quibus tamen non erat obnoxia, inquit D. Th. 3 p. q. 58, art. 4, o. Voluit itaque D. Virgo purgationis observantiam implere, non propter indigentiam, sed propter legis præceptum: et ideo signanter evangelista dicit, quod completi sunt dies purgationis ejus secundum legem: *ipsa enim secundum se purgatione non indigebat, ait ibidem S. D. ad 1.*

Obj. III, cum præfatis recentioribus: Pro suscepto S. S. XXVI.

semine hebraice dicitur *Tazria*, id est, mulier, cum seminificaverit (ut vertit Pagninus), aut *si semen fecerit* (ut vertit alii); hoc est si genererit prolem: est enim *Tazria* in Hiphil activum, et significat facere seu producere semen. Unde Gen. I, herba faciens semen eadem conjugatione, et modo profertur.

R. cum Mario, quod vox hebraea *Tazria* quidem in Hiphil significet *semen facere*, non tamen semen quod proles sit, sed semen quod prolificum sit. Unde et illo loco Gen. herba dicitur *Mazria*, non quia herbam, sed quia herbae semen producit. Dum itaque ex hebreo legitur: *Mulier, si seminificaverit, seu semen fecerit*, intelligi debet illud, quod solet ipsa ad generationem conferre. Cum igitur D. Virgo non subministraverit materiam seminis generationi, illud seminificando, sed Spiritus S. ex ea formaverit divinum illum fœtum, rursus clare sequitur, quod nec sensu jam exposito ipsa ullo modo sub præfata lege comprehensa fuerit.

P. 4, quid intelligatur per Sanctuarium, quod mulieri ingredi vetitum erat eo tempore, quo manebat in sanguine purificationis sue.

R. non intelligi ipsum tabernaculum stricte dictum (utpote quod nequidem levitis, sed solis sacerdotibus ingredi licebat), sed atrium tabernaculi vel templi, in quo feminæ admittebantur: *Sæpe enim in Scriptura appellatur locus sanctus etiam ipsum atrium*, inquit S. P. Aug. Q. 59 in Levit.

P. 2. cur in partu masculi quadriginta dies, in partu vero femelle, respectu matris statuantur octoginta dies purificationis.

R. Non quia mulier in prima transgressione graviori viro peccavit: oppositum namque probabilius est, ut notat Estius.

Non etiam quod tot præcise dies ad feminæ in utero formationem amplius requirantur, ut putant nonnulli alii, cum rem istam incertam habeant medici; sed quia in partu feminæ ordinarie et major et diuturnior est evacuatio sordium; ut notat Franciscus Valesius in sua *Philosophia sacra*.

QUÆSTIO II. — AN SACRIFICIA PUPERÆ PRÆSCRIPTA, NON TANTUM PRO MATRE PARIENTE, SED ET PRO PROLE OBLATA SINT.

Vers. 6: *Cumque expleti fuerint dies purificationis sue, pro filio, sive pro filia, deferet agnum anniculum in holocaustum, et pullum columbæ, sive turturum pro peccato.*

R. et dico: Hæc sacrificia non tantum pro matre, sed etiam pro prole oblatæ fuerunt.

Prob. Oportet Scripturam intelligere juxta communem et unanimem consensum SS. patrum; atque SS. patres, qui de sacrificiis hic præceptis scripsérunt, communiter et unanimiter ita intellexerunt Scripturam, ut jam dicta sacrificia etiam pro prole offerri præcepta sint; ergo, etc.

Prob. min. Quia ita docet Origenes hom. 14 in Luc. dicens: *Turturum par, vel duos pullos columbarum, pro Salvatore videmus oblatos.* Item S. Cyril-

(Dix-sept.)